

Saradnja visokoškolskih ustanova

U NOVE PROJEKTE SA SAOBRAĆAJNIM FAKULTETOM U DOBOJU

Dekan Saobraćajnog fakulteta u Doboju Univerziteta u Istočnom Sarajevu prof. dr Perica Gojković i v.d. rektora Panevropskog univerziteta „Apeiron“ Banja Luka prof.dr Esad Jakupović potpisali su 14. jula ove godine, u prostorijama našeg Univerziteta, ugovor o saradnji dvije visokoškolske ustanove.

Ugovorom je predviđena razmjena studijskih programa i literature u oblasti nastave prvog i drugog ciklusa, te zajednička aktivnost na realizaciji i razvoju studija trećeg ciklusa u oblasti informacionih i računarskih nauka. Studentima će takođe biti omogućen nastavak studija sa jedne na drugu visokoškolsku ustanovu.

Ugovorom je predviđena i razmjena nastavnika i saradnika, razmjena planova o organizaciji, zajedničko korištenje informatičkih sredstava, nastavne opreme i prostorija.

- Zajednička namjera je da studentima omogućimo vrhunski kvalitet u nastavi prvog i drugog ciklusa, te da udruženim snagama razvijamo treći ciklus u oblasti informacionih i računarskih nauka, riječi su prof. dr. Esada Jakupovića, v.d. rektora Univerziteta „Apeiron“.

V.d. rektor Jakupović je dodao da očekuje partnerstvo u profesionalnom i stručnom organizovanju, te razmjenu iskustava u nastavi, naučnoistraživačkom i stručnom radu.

Služba za odnose sa javnošću

Banja Luka, 15. jul 2014. godina